

籌辦夷務始末

籌辦夷務始末卷之二十九

咸豐八年戊午六月丙午

諭軍機大臣等前據桂良等奏喚佛夷船全數開出內河俄夷亦
經起碇當經諭令俟各夷船全數放洋後桂良等即來京覆命
現在內河既無夷船其上岸修理之船一經竣事即可放洋既
有譚廷襄在津防範桂良等可以毋庸守候著即迅速來京覆
命可也

巡防王大臣惠親王等奏本月初一日御史吳焯奏請籌
防五條一摺奉

硃批巡防王大臣妥議具奏欽此臣等公同詳閱該御史所奏摺

內稱諸夷就撫以後宜於各海口及內江一帶處處設防。天津為近畿之地其海口防範視他省為尤要其履陳陳防條款尚為明晰。臣等悉心籌畫逐款推詳其中尚有窒礙難行之處謹就現在情形分別擬做五條恭摺具奏。

原奏內稱屯田以足兵食一條查天津係近海之區其地半多鹽碱於耕種本不相宜即稍有一二隙地必已久作民田今一旦議設兵屯田不獨安置一切諸多掣肘抑且於津郡民生大有妨礙該御史所請屯田一條應毋庸議。原奏內稱復河運以利漕道一條查近數年漕行久經海運。原因豐沛蕭碼決口以後黃河未復故道。今若改復河

運不惟經費不貲。且南路賊氛未靖。必不便於興修。請

旨飭下該督撫並河臣漕臣等體察情形。悉心籌畫。請

旨遵行。

原奏內稱。募廣勇以習水戰一條。查廣勇一項。素稱強勁。惟添一勇。即須添一勇之餉。經費已難籌畫。至今該勇之有勇略者。著以武職使統率之。以為水戰之用。一節。於事不無窒礙。現經奉

旨。派出僧格林沁瑞麟前往天津。查看海口情形。自能妥為布置。該御史所請募廣勇習水戰一條。應毋庸議。

原奏內稱。利器械以備戰具一條。查臺灣皮船係當年臺

灣道姚學總兵連洪河用以制夷現在該員等均已物故
無從詢悉相應請

旨飭下閩省督撫查明此項皮船是否堪用及現在有無製造之
人即行奏明至廣省人買置外洋礮兼能製造請廣為購
買運津並募廣省人抵津鑄礮一節現在京師礮位足數
應用鑄造亦不乏人若自粵運津所費既多招募亦非易
易該御史所奏應毋庸議

原奏內稱卹死事以作民氣一條據稱

朝廷二百餘年深仁厚澤因結在民逆夷天津一戰津勇死
者幾及千人請予厚卹兼免其家之租稅若干等語所奏

甚屬得體。應請

旨飭下直隸總督譚廷襄。詳細查明此次陣亡之兵勇等。應如何
議卹之處。請

旨辦理。

諭內閣。恩親王等。議覆御史吳焯奏請籌防各條一摺。據該御史
奏稱。此次天津鄉勇死事者。請予卹卹。並免其家租稅若干。著
譚廷襄確切查明該兵勇等陣亡名數。奏請優卹。

黑龍江將軍奏。出

盛京副都統承志。齊齊哈爾副都統那敦德。著吉林副都統
持普欽。奏准三姓副都統。轉據黑河口各員報稱。去歲在

黑匣子通傳占大輪船一隻於四月初八日移往克爾穆
宏庫地方聲稱迎接木哩斐岳幅十八日由奇吉地方上
乘夷人二十名來駕小船該員述稱欲進黑河口上駛迎
接木哩斐岳幅再夷人前在霍爾托庫地方建立木城房
屋一所俱已修完又夷人在托爾因建立房一所被荒火
燒燬其存占夷人逃奔霍爾托庫住宿等語並據黑龍江
副都統吉拉明阿及委員等報稱四月二十一日見由江
而下駛俄夷大船三隻小船五隻詢據通事聲稱木哩斐
岳幅帶領官兵來駕前赴閭吞奇吉之便特來城中辭別
傍晚有大船三隻小船五隻駛至黑龍江城木哩斐岳幅

等登岸。會見該副都統款待之際。詢據通事聲稱。木哩隻
岳幅。今日起行。下往之使。給大人請安。並將蓋房處所留
辦事。付管束夷人之因畢爾那托爾嘎爾薩。拈幅帶見相
認。言畢乘船下駛去訖。嘎爾薩拈幅帶領夷人。駕小船回
行。二午三日。由江下來。大小夷官十八員。夷人二百餘名。
分駕木筏。隨帶三板船一隻。裝載許多槍礮。並口糧。羊隻。
駛至大黑河屯。江左夷人住處停泊。二十四等日。有夷官
十八員。夷人一百餘名。攜帶槍礮。乘駕木筏下駛。前赴闊
屯奇吉等處去訖。其餘夷人木筏存留。於五月初一日。駛
至大黑河屯停泊。詢問通事聲稱。此人船由原處下來。此

處存留大輪船一隻。是日晚間。有大小夷官十員。夷人一
十餘名。乘駕大船五隻。三板船八十三隻。木筏八十串。下
駛。前赴閩。吞奇吉等處。去訖等情。當飭各該員。不時查報。
毋得激起釁端。再現在已與俄夷換字。江左占居夷人。照
常安靜。業咨副都統吉拉明阿。將吉林黑龍江兩省委員。
陸續撤回。

硃批知道了。

丁未。禮部左侍郎玉明。山海關副都統定福。奏六月初一
日申刻。據瞭望官弁報稱。石河口海口地方。距岸二里之
遠。有夷船二隻。停泊。督當即親往海口查看。時刻都統定

福亦至。弩等果見海面有夷船大小兩隻。均有烟筒。似屬大輪。各帶杉板小船。在海口二里之遠停泊。尚未到岸。亦不知確係何夷船隻。有其光景。似因朔日潮大。其杉板小船驟難駛入河口。

諭軍機大臣等。玉明等奏。探有夷船停泊海口一摺。天津夷務。經桂良等與各夷首面議條約。撫局暫定。現在駛往山海關石河口之夷船二隻。如果駛入海口。著玉明定福派人問明。係何國船隻。可告以山海關非辦夷務之地。該侍郎等亦非辦夷務之人。令其速行退去。仍一面督飭弁兵嚴密防範。不准沿海奸民有勾結接濟等事。令該夷人留戀不去。亦不得稍涉輕率。致啟

營務

人

諭前因僧格林沁奏請飭調投誠義勇赴營協助當經諭令官兵
德興阿即飭勇目詹起倫劉正發蔡連修等帶領義勇赴通州
軍營聽候調遣現在天津夷船已退所謂各路之兵俱可陸續
酌撤所有前調之勇目詹起倫等三名均著仍留各該大臣軍
營差遣毋庸帶勇前赴通州

人

諭前調哲里木盟官兵曾諭令度祺就近催令赴京其昭烏達盟
官兵亦諭令英隆飛飭催趕並准總管常台分帶赴京現在天

津夷船已陸續退出海口。所有前調官兵自應暫緩前進。以示體恤。哲里木盟官兵如尚未進關。即著於關外駐紮。如已入山海關。即飛飭折回。暫紮關外。其昭烏達盟官兵即於熱河哨內駐紮。常山亦毋庸來京。留於該處彈壓。俟續有諭旨再行分別進解。

戊申。

諭內閣著派瑞麟馳驛前往天津查辦事件。

禮部左侍郎五明奏等五明因。

盛京官兵僅止短式鳥槍。無甚利器。擬調保定駐防槍四
十桿。槍兵八十名。旗幟兵二十名。防禦一員。曉騎校二員。

委驍騎校四員。剋期統帶來關。業經一面飛調在案。迄今已逾半月之久。尚未見該城守尉覆報官兵起程日期。殊屬遲延。相應請

旨飭下該城守尉。迅即如數揀派。剋期來關。以資防守。

諭軍機大臣等。玉明奏。前次調取保定駐防槍四十桿。並槍兵八十名。旗幟兵二十名。防禦一員。驍騎校二員。委驍騎校四員。前赴山海關。迄今半月之久。尚未據該城守尉覆報起程日期。請旨飭催等語。該城守尉郭勒敏。於玉明調取槍槍及官兵等。何以日久未報起程。著譚廷襄查明具奏。至山海關原駐官兵。及近調盛京官兵。為數不少。無須另調。著譚廷襄即飭郭勒敏。

將玉明調取之槍槍等件。酌撥官兵解往山海關。又副都統定福收存備用。該官兵等仍回保定駐防。毋庸留於山海關。

禮部左侍郎玉明。山海關副都統定福奏。六月初一日申刻。見石河口海面二里之遙。有夷船大小二隻。至初二日平明時。遙見該夷船退回大洋。向東南駛去。已無蹤影。擊等正在躊躇間。於初二日卯刻。石河口海口。迤西四五里之遙。復有大輪船一隻。自西而來。停泊海口。當即督飭官兵。前往偵探。該夷有二十餘人。使舢板小船陸續登岸。內有一人名嗎吉士。粗通漢語。據云係大佛國人。自天津而來。道經此地。欲瞻仰長城規模。別無他意等語。擊等因未

知天津夷務大局。若何辦理。未便遽示兵威。姑且善為開導。該夷等在岸坐立數刻之久。其意仍欲觀瞻。目見營外馬隊排立。諒知我兵有備。始皆回入火船。於本日未刻。亦向東南駛入大洋而去。

山海關副都統定福。奏夷船二隻。逆於戌刻。直向東南駛去。正在會奏間。復報夷船一隻。停泊海口。且夷人登岸遊景。雖即回船。定福復加派兵二百名。佐領順齡。委以營總。佐領扎魯善。防禦寶琳。碩隆武。疏騎校烏林泰。委以參領。駐紮海口。

己酉。

諭內閣著派桂良。尼沙納。基溥。明善。攜帶欵差關防。馳驛前往江蘇。會同何桂清。妥議通商稅則事宜。所有隨帶司員。著一併馳驛。

諭軍機大臣等。慶祺著來京陛見。盛京將軍著玉明前往署理。慶祺俟玉明抵盛京後。即行馳驛來京。所有山海關防堵官兵。著定福統帶。

又

諭現在各夷通商條約已定。夷船均已起碇。出天津海口。據桂良等奏。英夷條約內開。立約之後。請欽派戶部大員。赴上海會同英夷。商定稅則。後該夷復遣使奉。囑。來求商定稅則。可否即派

江蘇巡撫趙德轍督同臬司現署上海道薛煥查辦等語。因思此次夷務章程係桂良等與該夷面定。自應一手經理。本日本已明降諭旨。令桂良、花沙納、基溥、明善、馳驛前往江蘇會同何桂清妥議通商稅則事宜矣。該督接奉此旨。即揀派熟悉夷務之員。屆時前赴上海聽候桂良等差遣。該夷如先到江蘇。該督即先行照會。俟桂良等到後會議可也。會議明發旨一道抄錄附寄。以便宣示該夷。俾靜候欽差。勿致另生枝節。再此次商定稅則係夷務一大轉關。何桂清務須倍加慎密。不但嚴緝暗遞消息之漢奸為要。即京員或有信函。尤不可稍為搖惑。議論多而實學少。惟靜候內定辦法。方能於大局有益也。

庚戌直隸總督譚廷襄奏。礮臺夫事各員內。把總李壩一員。先無下落。茲據查明。業已打仗陣亡。人續經查出內大器營正紅旗烏槍藍翎長富廣。打仗陣亡。委署天津鎮標文安汛千總候補千總劉英魁。打仗受傷。旋即身故。合懇仰懇

聖恩俯准將李壩富廣二員。

敕部照例從優議卹。劉英魁一員。照陣亡例一併議卹。以慰忠魂。又先經查無下落之大沽協左營都司訥勒和。現經覆查並無陣亡確據。顯係逃避。應請

旨即行革職。嚴飭緝拏。獲日訊明正法。

諭內閣。譚廷襄奏查明礮臺失事各員請分別議卹等語。所
有天津打仗陣亡之把總李墉正紅旗馬槍蓋翎長富廣均著
交部照例從優議卹。因傷身故之候補千總劉英魁著照陣亡
例一併議卹。都司訥勒和既查明並無陣亡確據。顯係逃避。著
即革職。嚴緝拏獲。後訊明正法。以肅軍律。

諭軍機大臣等。昨因各夷和約已成。降旨令桂良、花沙納、基溥、明
善攜帶欵差關防馳驛前往江蘇。會同何桂清妥議通商稅則
事宜。著黃宗漢飭令廣東紳士布政使銜伍崇曜前任鹽運使
潘仕成即日前往上海聽候桂良等差遣委用。

士子。

欽差大臣科爾沁親王僧格林沁察哈爾都統西凌阿奏竊蒙
格林沁於六月初四日奉

聖訓後遵即起程折回通州大營將現在各處防兵通盤籌計除
分紮通州運河兩岸內外大器營礮營健銳技勇巡捕等
營官兵一千五百名密雲熱河兵各五百名宣化鎮兵一
千名共計三千五百名應請照舊分紮毋庸裁撤外現在
駐紮揚村之密雲兵五百名京旗兵二千名駐紮米育之
京旗兵九百名全行裁撤回旗其駐紮通州察哈爾官兵
二千名內等語挑留一千名以備調遣下餘一千名同現

屯

南苑之察哈爾兵一千名一併撤回以節經費至天津郡城
必須重鎮現咨令直隸提督托明阿酌帶本省綠營官兵
慎密防守該提督曾任綏遠城將軍若統帶綏遠城官兵
必可得力是以將現紮永甯綏遠城兵一千名交該提督
一併統帶赴天津遶東屯紮其天津一切防範事宜必須
妥為布置現在瑞麟奉

命前往查辦事件路經通州努等會同悉心籌議惟夾船甫出海
口沿海布置備料鳩工尚需時日努僧格林沁現擬遣員
隨同瑞麟前往在天津遶東海河兩岸相度地勢情形尋
置安營以備先行移兵進紮並派示營將備前赴天津縣

屬查看樹株以備應用。

署察哈爾都統慶昫奏准直隸總督委員候補知府同器帶同守備伴送俄吏他他哩訥幅一名到口。當由地方官設館安置。尚屬安靜。已於初三日派員伴送該吏出口。殊此知道了。

慶昫又奏據參領達未林扎魯報稱俄吏瑪拉提訥甫已於五月二十八日送出本境。並據伴送之員外郎福申等同專該吏行至頭臺即指伊所帶之表以示每日丑初起身卯正茶午初飯戌正宿日行三四臺不等是以極其迅速。察其形色急欲馳回尚無別項情形。

珠地知道了。

癸丑直隸總督譚廷襄奏。臣在天津將兵勇分別留撤。即於初六日馳抵大沽海口。據報該夷原存大小火輪船八隻。初五日開行一隻。初六日開行四隻。尚有三隻在欄江沙外停泊。茲於初七日派弁探得該夷船三隻。全數起碇回帆。又昨准山海關副都統來咨。暨山水協副將臨榆縣知縣等專報。探有夷船三隻。於六月初一初二等日先後駛近石河海口。旋即揚帆而去。各等情。臣查各夷船隻。有赴廣東上海者。亦有赴東洋日本等處者。現既一律回帆沿海之防。均須次第妥為布置。大沽海口南北兩岸礮臺。

已被轟壞。尤應設法趕緊修理。

硃批知道了。

閩浙總督王懿德福建巡撫慶端奏准署福建水師提臣賴信揚來文內稱現駐廈門英咭利國領事馬禮遜以該國公使現泳柏姓夷酋駕大輪船欲往臺灣收贖伊國遭風難夷請移臺灣鎮道飭屬幫同細訪並請給文交伊帶投經提臣賴信揚等嚴轉理說第恐該夷船驟然到臺請飭臺灣鎮道豫為布置等因臣等查粵省夷務尚未平定茲該國夷酋欲赴臺灣收贖難民海外重地難保無別生枝節福州廈門二口防務亦關緊要不敷以該處華夷現

尚相安。稍弛警備。臣等惟有悉心商酌。豫籌密防。仍隨時察看情形。相機妥辦。

硃批知道了。

乙卯直隸提督托明阿奏。接准僧格林沁咨。將綏遠城馬隊官兵一千名撥歸鄂統帶。其本省綠營官兵。由鄂酌調前往天津保衛等因前來。當即分行各營遵照。一面札商督臣譚廷襄酌量調留本省官兵去後。隨准督臣譚廷襄五覆白軍興以來。直隸官兵。應經征調。存營日少。馬蘭秦甯二鎮。向不征調。正定大名二鎮。防備南路。通永鎮防備沿海。本年辦理夷務。僅調提督二標一千名。餘皆天津本

鎮之兵嗣又奉

旨調宣化兵一千名赴通。此外無可征調矣。現在天津除鎮標外，尚存弩標屬兵三百餘名，儘可撥歸統帶。俟弩抵津，再為商酌調撥等因。弩現在提催綏遠城官兵趕擊前來，以便帶赴天津。定於十二日前往。俟抵津後，即與督臣譚廷襄會商保衛一切事宜，以期有備無患。

硃批知道了。

戊午。

欽差大學士桂良、吏部尚書花沙納奏：四月初八日，天津走船關八內河弩等奉

命前往查辦。荷蒙

皇上指示機宜。各吏感沐

皇上天恩。將船隻退出海口。陸續放洋而去。所有天津出力員弁紳商。或冒險奔馳。不辭勞瘁。或立局募勇。緝匪安民。未便沒其微勞。相應請

旨。給予獎勵。以昭激勸。謹將出力員弁銜名。繕具清單。恭呈御覽。

桂良等又奏。再二品職員長蘆商人張錦。向來急公好義。久為鄉里推服。此次夷船在津。該職員晝夜辛勤。捐資募勇。保衛城鄉。實屬異常出力。惟據該職員稟稱。自顧亦

梓事皆分所應為不敢仰邀

甄敘其應如何

給予獎勵之處。等語未敢擅便伏候

聖主鴻慈再據張錦文稟稱所有一切局務均係職員梁超敬前因捐買洋鐵袋

同辦理甚為出力查該職員梁超敬前因捐買洋鐵袋

恩賞給同知銜此次可否

賞戴藍翎以示鼓勵之處出自

聖恩

諭內閣。桂良。花沙納奏。請將天津出力員弁紳商。懇恩獎勵一摺。此次夷船開入天津。經桂良等剴切曉諭。現俱起碇。故洋該官

紳等或冒險奔馳。或募勇緝匪。均屬著有微勞。自應量予鼓勵。直隸署大沽協都司守備張振榮。著賞加都司銜。並賞換花翎。外委馮萬年。劉榮貴。均著遇有把總缺出。即行拔補。捐職府經歷黃仲禽。著以知縣歸部選用。並賞加同知銜。監生梁植。著以府經歷歸部選用。二品職員商人張錦文。著該地方官給予花紅扁額。以示獎勵。職員梁超。著賞戴藍翎。該部知道。

諭軍機大臣等。現在天津夷船全數退回。所有前調之哲里木。昭烏達。兩盟官兵各一千名。是否應留何處兵一千名。以備調用。抑或全數撤回。著僧格林沁酌量奏明。所有應撤官兵。尚須酌給獎賞。再前據伊興額奏。請飭調察哈爾馬五百匹等語。曾諭

該副都統侯天津奏務辦竣再行批撥並著僧格林沁察看情形能否於察哈爾調索馬匹內酌撥三四百匹赴伊興額軍營之處一併具奏

庚申

欽差大臣科爾沁親王僧格林沁奏遵即咨查直隸總督將所有天津海口共紮營盤幾座相距遠近前敵如何潰散後路曾否援應詳細聲覆以憑裁辦去後旋准該督咨覆前路礮臺及後路各營相距二三里及四五里互相連綿因礮臺及後路將弁多有傷亡後路練勇潰散連至失陷至副都統富勒敦奏紮營北岸于家堡地方距北礮臺陸路約

有六里。營內東營大礮。及噴子礮十五位。全行失陷。入獲軍統領珠勒亨。所帶馬隊。紮營北岸新河地方。距北礮臺不遠。侍郎國瑞。所帶馬隊。紮營南岸新城迤南。距礮臺約有二十餘里。是日帶隊趕到。礮臺已失。原紮營盤未動等因。努復加查數。富勒敦奏。統帶京營礮位。駐紮北岸。失陷礮位營盤。所獲各戍。與已革提督張殿元。已革總兵連年。副將德魁。情罪相同。應請

旨將已革副都統富勒敦。奏。即行拏問。交巡防王大臣照例治罪。珠勒亨。國瑞。統帶馬隊。於失船關入海口。礮臺失陷時。珠勒亨雖經督兵擊打。國瑞亦帶隊援應。究未能奮力攻擊。

均屬咎無可辭。應請

旨將羊職留任護軍統領。珠勒亨。刑部侍郎國瑞。一併交部嚴加議處。以昭炯戒。至夷船初到之時。在事者自當仰體

皇上柔遠至意。無須遽行開礮用武。迨夷船突入海口。偏緊礮臺。直隸總督譚廷襄。身任疆圉。復蒙

聖恩。節制重兵。自宜布置萬全。時刻隄防。決裂。今夷船闖入。擱江。沙內。甫經開仗。兵勇潰散。礮臺失守。譚廷襄督率無方。已有應得之咎。現據國瑞。富勒敦。奏。親供。均稱前敵失利。譚廷襄等。乘輪向西奔走等語。其為該督。恇怯無能。貽誤事機。罪更難逭。且查道光年間。夷船闖入廈門。上海。閩浙總

督顧伯燾。兩江總督牛鑑。均經

嚴譴。况天津海口。為都城門戶。現被蹂躪。礮臺折毀。礮位遺失。情形較重。謹附摺參奏。可否將直隸總督譚廷襄。

飭交巡防王大臣。查詢辦理。並將張殿元。達乎。德魁等。一併解交巡防處。嚴審定擬。以肅軍旅之處。伏候

聖裁。

諭內閣。僧格林沁奏。遵旨查參天津失事大員一摺。革職留任。護軍統領珠勒寺。馬隊傷亡。營盤不整。刑部侍郎國瑞。雖營盤未動。惟未能上前援應。各有應得之咎。珠勒寺。國瑞。著交部分別嚴加議處。已革副都統富勒敦。統帶京營礮位。駐紮北岸。竟

將暇位營盤全行失陷者即擊問同已革提督張殿元。總兵達
年。副將德魁。一併押解來京。交惠親王。載垣。端華。會同刑部嚴
行審訊。按律定擬具奏。直隸總督譚廷襄。有耽轄綠營之責。據
奏兵力足恃。布置皆妥。乃一經開仗。即失礮臺。實屬督率無方。
並據僧格林沁。查取國瑞等供。是日該督坐轎奔走。尤為恇怯。
無能大負委任。譚廷襄著即革任來京。聽候查辦。

禮部尚書徐澤醇奏。竊惟海防莫先於大器。而制器全賴
得人。臣近聞廣東駐防紀世材精於鑄造大器。曾著有鑄
造大器等書。據曾任海疆之總兵王鵬年。親歷驗試。甚為
利用。其法製大器。有由水中行人不及見。機一發。動藥火

即從水內上烘。猛烈異常。並稱該駐防技藝精良。年力正富。其鑄造大器之法。機巧不輟。示人當此海防喫緊之際。折衝禦侮。亟須揀用良才。應請

敕下廣州將軍。密飭該駐防來京。令其如法試造。僅能施放得宜。沿海地方。皆可一律製造。外可禦夷。內可盈寇。未始不可收臂指之效。

奉旨。禮部尚書瑞麟奏。等謹於初六日

陞辭跪聆

宸訓後。遵即於初七日起程。行抵通州。見僧格林沁會商籌辦。隨於初八日馳赴津郡。十二日至海口。等沿途查看地勢。自

葛沽以下河面漸次加寬。無險可扼。惟查有雙港地方。距天津三十餘里。地勢較高。河身亦隘。勢往返覆勘。相度情形。謹擬在東西兩岸。擇要紮營。安設墩臺。足資捍禦。現擬即日興修。以期速為防範。至海口一帶。勢連日周。應履勘南岸墩臺三座。北岸墩臺均被夷人拆毀。擬俟籌備經費。購辦物料。即行妥為布置。

硃批知道了。

癸亥。

欽差大臣科爾沁親王僧格林沁。察哈爾都統西凌阿奏。現於十

五兩飛咨

盛京將軍。熱河都統。山海關副都統。查明前項蒙古兵。行抵何處。即行全數截回。該官兵中。連奉撤。並未到隊。擬請無須。

獎賞。至伊興額請調馬匹。等僧格林沁。連即派員前赴

南苑。查看現在軍需馬匹內。堪以勻撥馬四百匹。解交該營應用。惟正值暑熱大雨時行之際。擬請踉至八月初間。由上駟院派委委員。並咨調直隸委員。會同管解前進。以期迅速。再等接准瑞麟咨稱。現在查看地勢。勘得雙港東西岸平坦高阜。堪以紮營。安設礮臺。應須物料等件。刻已設法購辦。樹木一項。惟上坊有楊柳一千餘株。可備採擇。其

餘地方並無可採之木等因。督伏查津郡附近地方樹木既屬稀少。自宜變通購覓。以應急需。當經劉飭通永霸昌二道。各於所屬州縣採辦椿木三萬根。陸續解送通州運河浮橋。督等派員隨時由河沿趕督運往天津。以期無誤工作。

諭內閣。僧格林沁等奏。擬徵蒙古官兵一摺。所有前調之哲里木昭烏達兩盟官兵各一千名。著准其全數徵徵。應賞調銀兩。仍照例由京頒發。即著僧格林沁咨令該兩盟帶兵官迅速造具員名兵數清冊咨報軍機處。其哲里木盟實件由山海關給發。昭烏達盟實件由熱河給發。如該官兵尚未行抵各該處。即

著常清定福各派兵員分道齎任按名散給

甲子。

諭軍機大臣等前因夷船闖入大沽海口帶兵各員逃竄債事已明降諭旨將管帶京兵之富勒敦泰等並管帶綠營兵之張殿元等分別革職嚴訊惟此次駐劄海口兵數不少尚有陣亡員派出辦理營務之文武人員自係同時逃散著瑞麟確切查明當破臺失事之時海口帶兵各員又自道府武自參遊以下均係何人其隨同逃退者係屬何員即行據實奏奉候旨查辦

乙丑兵部奏查革職留任護軍統領珠勒亨馬隊傷亡營盤不整刑部侍郎國瑞營盤未整惟未能上前援應各有

應得之勞欵奉

諭旨著交部分別嚴加議處。應請將革職留任正黃旗護軍統領珠勒克。照官員溺職者革職例。即行革任。刑部左侍郎宗室國瑞。應比照盜賊嘯聚地方提督總兵聞報不遣發官兵會剿。以致賊勢蔓延。官兵失利者。降三級調用。私罪例。上從嚴加等議。以降四級調用。毋庸查加級抵銷。

諭內閣。兵部奏。遵議天津失事大員處分一摺。革職留任護軍統領珠勒克。著照部議。即行革任。刑部左侍郎宗室國瑞。著照部議。降四級調用。不准抵銷。珠勒克。國瑞。著發往僧格林沁軍營。聽候差遣委用。

丁卯伊犁將軍扎拉芬奏。接准俄使西畢爾來咨內稱。現派匪蘇勒官。作為辦事之阿魯特。前往塔爾巴哈台。同看貨物。判斷完事等語。據該夷咨稱。我們派出之阿魯特。前往塔爾巴哈台。判斷完事。貴處覆文。想將阿魯特前來伊犁商議。較為簡便。並應等候我們薩納特衙門。咨你們理藩院覆文。到時曉辦。並說令我們前往塔爾巴哈台之匪蘇勒官。帶領原貿易人等。先往彼處。將所存貨物領回等因。我們自應專覆貴處。一則我們辦事全遵上司。交派阿魯特。即由薩納特衙門交派。我們想着薩納特衙門。與貴理藩院。已有覆文矣。二則貴處焚搶園子之後。欲將

所存商貨交回之意。非止一次。必當同兩邊保舉大臣官
員。先將貨物情形細看後。再為判斷。若說你們現在參贊
大臣。與咱們所議之事。未能深悉。即仿著我們派出曉事
大臣。向我們辦事之阿魯特商議辦理。三則前駐塔爾巴
哈台之巨蘇勒官。早已調往別任。現在遠處當差。其貿易
之人。非居一城一處。且不知何人之貨物收存。何人之貨
物遺失。若令他們前來彼處。不但非便。且滋徒費。因此薩
納特衙門。派全權辦事之阿魯特。前往塔爾巴哈台之意。
是不能止。惟望貴處。亦派保舉大臣前往。同我們辦事之
阿魯特。查看貨物。彼此商議。判斷完事。如此而行。於兩國

舊日和好之道。益固顯然矣。將此寄信貴處。速與回文等
因。據該夷此次來文。並無挾怨情形。將來似可無虞。決裂
惟有勉竭血誠。與明諒。隨時相機。籌商妥辦。一俟該夷遣
官前來。自可設法羈摩。徐圖結束。

諭軍機大臣等。扎拉芬奏。請接俄夷來咨。察其詞意。漸已就範。
相機妥籌辦理一摺。俄首善提雅忌。本年在天津海口。所求五
口通商。業已允准。其獲利甚厚。又俄首木哩斐岳幅。至黑龍江
勘地。業經奕山如其所請。與以空曠之地。該夷甚為感激。善首
曾於天津。許備槍礮。由該國送來。此次來文。並不執議賠償。僅
以查看貨物商議完事為詞。總為中國優待之故。可即派委員

與之議結。毋庸再加辯駁。諒必無起釁之心。惟天津黑龍江之事。亦不必與之明言。至調兵示威。原可不必。著照該將軍所議。相機控馭。咨照明諒。妥辦可也。該將軍四月所奏。該吏咨文。當即諭理藩院。行知薩納特衙門矣。

兩江總督何桂清奏。嘆味佛三夷。現據留署蘇松太道薛煥。密稟。已於六月初二初四初十等日。駛回上海。並據味佛。嗾囑前赴道署。面稱。所求各條。已奉

俞允。准其在牛莊。登州。湖州。臺灣。瓊州。鎮江。漢口等處。設立馬頭。不日當奉

諭旨。救下江蘇巡撫。前赴上海。就近會議。稅則等語。臣正在欽遵

訓諭先行恭錄明發

諭旨照會該酋令其靜候問。又據薛煥稟呈暎酋照會桂良花沙納公文一件。並據稟明該夷兵船已陸續駛回香港。亦聞有收入上海者。該夷因未奉到

諭旨。仍欲北上。該升道已婉為阻止。臣拆閱照會內。有到滬迄今十日。未聞江蘇巡撫趙升任臬司薛奉得應頒之權。並耽延時日。復行北上之語。除將該夷送到原文。轉遞桂良等查收外。照錄恭呈

御覽。欽奉明發

上諭。臣恐僅止照會。暎夷而不照會。木峇俄三酋。將來又有藉口。

是以一律照知欽遵。俟其奉到後，有無動靜，再行酌量辦理。所有熟悉吏務之員，現在會商撫臣趙德轍，密為派定。俟桂良等到蘇後，再行飭調隨往。至呼喇喇本係英國通事，能通漢文，能說漢語，行為甚為詭譎，善於探聽內地時事，聞亦肯將各吏奸計暗遞消息。咸豐四年冬，江海關更換司稅，該吏面求前撫臣吉爾杭阿照會該國公使，准其充當司稅。該吏尚知感激，數年來開稅較旺，未始非該吏嚴查偷漏之力。是以歷任蘇松太道無不加以顏色，駕馭而用之。其現在籲請

欽派撫臣趙德轍督同薛煥查辦稅則者，因撫臣薛煥恩信足以

服之不致以其類相視。彼即可據為奇功。矜示各夷也。天
濟所定通商條約。及鎮江等處。果否准其設立馬頭。臣雖
未見明文。而呼嗚咽向鮮煥所言。必非無因。臣輒轉思維。
倥偬四顧。欲善其後。惟有指會議通商稅則。聊以補救。臣
前此既不能挽留黃守漢。即在上海會議。致任閩人。

畿輔重地。肆其要求。人之我戰。必克之。加出奇制勝。業已望
尤叢集。敢不會同桂良等商之。撫臣趙德轍。屏絕浮議。嚴
防洩漏。上東。

廟謨。維持大局。務期勿再另生枝節。杜其得步進步。以冀仰紓
宵旰之憂。

諭軍機大臣等。何桂清奏。嘆味佛三首。駁回。上海並嘆夷呈遞。照會一摺。前派桂良等。前往江蘇。會同何桂清。妥議通商稅則事宜。茲據該督奏稱。六月初二等日。嘆味佛駁回上海。照會桂良等公文內。有到滬已十日。未聞遞換。臬司奉得應須之權。並耽延時日。復行北上之語。自係該夷首尚未見。欽派桂良等。前往江蘇之旨。現在何桂清已將前旨。照會各夷。該夷自必靜候。惟桂良等。馳往江蘇。尚需時日。該督須豫飭薛煥。曉諭該夷。告以時值海暑。欽差由陸路前來。未能剋期。此時爾等若赴天津。該處已無辦事之人。無可商酌。自應在滬等候。一俟欽差到蘇。即可會辦。如此好言羈縻。勿令遽行北駛。仍密探該夷動靜。隨時

馳奏

又

諭本日據何桂清奏。嘆味。啡。三夷酋。駛回上海。因未奉到諭旨。仍欲北上。何桂清已將前派桂良等。前往江蘇。諭旨照會各夷。諒該夷自必靜候。惟桂良等到蘇。尚需時日。設該夷復行來津探問。著瑞麟。等以欽差業經起程南去。此地無可商辦之人。勸其回至上海。會同議事。一面嚴密防範。應修礮臺。雖趕辦不及。其沿海一帶陸路。及海河寬處。應如何安礮設兵。妥為善防之處。著迅速辦理。

戊辰。著直隸總督瑞麟。奏覆勘雙港地勢。佳擬於西岸紮

營六座。東岸紮營四座。安設礮臺。現已興工。應須物料等件。至宜設法購辦。查樹木一項。津郡惟上坊有楊柳一千餘株。堪備採擇。其餘地方。並無可採之處。當飭沿海各州縣。體察情形。勸諭鄉民。捐辦樹株。估計價值。量予獎勵。一面咨商。

欽差大臣僧格林沁。題請籌辦。旋准覆稱。即飭通永霸昌二道。各於所屬購辦木樁三萬根。由通州運赴天津。該價由天津捐輸項下發給等語。並由僧格林沁抽撥各營監造礮臺。營壘官兵前來。督通盤籌畫。此項工程。所需經費甚鉅。無未之款。殊難措手。節經督設法籌商。諄勸以期集腋成裘。

取學易舉。據長蘆鹽政烏勒洪額捐銀二萬兩。已革直隸
總督譚廷襄捐銀二千兩。鹽運使克明捐銀三千兩。天津
道英毓捐銀五千兩。永定河道崇厚捐銀二千兩。應俟捐
項繳齊。咨督案案另行奏懇。

恩施量予獎勵。至直隸藩臬及道府各員。尚未據報捐款。諒無不
念切時艱。情殷報效。並擬令轉飭各屬。一體量力捐輸。以
濟要需。惟現在工程緊要。需用孔殷。勢難停工待餉。督再
四思。惟惟有仰懇

天恩。俯准由直隸藩庫先行籌款。暫撥銀三萬兩。即日派員護解
來津。俾資興築。一俟津郡捐餉集有成數。即當陸續歸款。

以重庫儲

諭軍機大臣等。瑞麟奏。專款修築營盤。設法捐輸。並先借撥藩庫銀兩等語。天津防堵事宜。昨經諭令該署督趕緊辦理。若專待捐款。恐緩不濟急。著准其在藩庫先撥銀三萬兩墊用。惟工用尚多。即軍械及鉛丸大藥等需。亦恐不少。該省藩運各庫。能否再行墊撥。著瑞麟即飭藩運兩司酌量籌畫。儘庫款不敷。即着奏請部撥庫銀數萬兩。以濟急需。俟續捐得有成數。再行撥還部庫。如此一轉移間。所有應辦事宜。不至遲緩。至捐輸各員。准其俟繳齊銀兩。奏請獎敘。該署督先就現有款項。相度地勢。擇要興工。妥速辦理。

又

諭前因夷人急候欽差。往議稅則。曾密諭何桂清。告以時值海暑。欽差由陸路前來。未能剋期。仍用好言羈縻。令其在滬等候。勿任北駛。惟桂良等。自京起程。沿途尚有查辦事件。未能即時到滬。誠恐各該夷。迫不及待。別生枝節。著何桂清。即派按察使。留署蘇松太道薛燠。與各該夷。清查歷年夷稅。自五口通商以後。上海關每年共交若干。廣州等四口共交若干。令各該夷。覈實報出。俟桂良等到後。再行覈辦。如該夷。問及緣何清查緣由。可告以大皇帝知爾等。近年稅銀。多有喫虧之處。是以清查。明晰。將來不至爾等。再有賠累。該臬司。既為夷人所服。即責令。妥為

竊慮俾得從容等候。勿令該吏再行北駛。

庚子庫倫辦事大臣德勒克多爾濟等奏。前據固畢爾那
托爾來各提及從前庫倫派員赴額爾口送文路費。自該
員移居托羅伊察克薩菩薩庫依城以來。已經停止。嗣後
派赴庫倫往返供應羊隻等項。均請停止。所備物件照數
給價。請飭蒙古人等遵行等語。咨行前來。當即咨駁。茲據
固畢爾那托爾來文稱。往返供應物件。均請停止。其派赴庫
倫使臣用項。照舊預備。驛站供應。照數給價等語。再三讀
請前來。查兩國派員送文。由驛供給。辦理有年。若如該吏
所請。與舊章不符。似應再為咨駁。謹將咨行固畢爾那托

爾久底呈

覽

給俄羅斯咨文

為咨行事。昨於本年四月間。據貴國瑪爾爾咨稱。因公差
未使臣往返之間。我國驛站。日用羊隻。以及收取茶價。聲
明原由。申報木哩。雙岳。及著固。華爾。那托爾。今將驛站
日用羊隻。以及收取茶價。均行停止。嗣後驛站預備物件。
照數給價。請飭諭蒙古人等。等因。咨行前來。當以爾國來
使。毋庸照瑪爾爾申報。均擬停止。羊隻等項。其餘應需物
件。按照兩國和好。照常備用。亦毋庸由爾國給價等語。咨

覆在案。茲據爾等國畢爾那托爾人稱本國使臣由蒙古地方行走。驛站備用羊隻及收取茶價已經本哩斐岳幅停止。似此路費照常支應於禮不合。所有使臣驛站備用物件如數給價之處仍請飭諭蒙古人等。因復行稟懇前來。查從前爾國一切因公遠來使臣沿途用項均由驛站支應。由來久矣。我國驛站從未得過價值。今爾國欲給驛站物件價值。雖為體恤丁力起見。惟本國驛站係為支應往返官差而設。與商人索價者大相遠。且我國諸事仍照舊章辦理。若爾國來使於驛站支應泛常物件。即欲給價。實與舊章不符。相應咨覆。著國畢爾那托爾嗣後爾

國未使應需羊隻等項仍按兩國和好照例備用爾國毋庸給與價值謹按和好再行咨覆可也為此咨行

硃批覽

奉 奉

諭軍機大臣等德勒克多爾濟等奏據俄囉斯署國畢爾那托爾
雙韋多羅雙赤文稱呈請停止驛站供應盤費羊隻等物請旨
飭駁一摺俄夷因畢爾那托爾懇請將兩國使臣由驛往來停
止供應盤費羊隻等物實屬不合舊制著德勒克多爾濟等於
此次咨覆時即應諭以本員子等業經奏明奉大皇帝諭旨中
國與外國相交凡事均有定例未便輕議更張若一旦將驛站

供給之物停止。亦非懷柔遠人之意。况驛站所備盤費羊隻等項。所費無多。不致擾累。如此行。諒可杜其更張之漸。

署直隸總督瑞麟奏。現築礮臺。雖趕辦不及。而沿海一帶。河陸雖繫之處。並無保衛捍禦之區。若其間安礮設兵。非惟無可把握。亦且徒費虛糜。竊詳細勘度。惟有前奏雙港設礮紮營。誠為扼要之區。竊一面嚴飭趕緊搶辦。一面飛商

欽差大臣僧格林沁酌撥勁兵二千名。豫為備調。先由通州各營礮位。及現在鑄成萬斤礮位酌撥大小二十尊。即速運津。以資防守。至陸路一帶。現有托明阿管帶馬隊官兵一千

名亦在雙港陸路扼要設防可期聯絡聲勢

諭軍機大臣等據瑞麟奏遵旨速籌防範已咨商僧格林沁酌撥
勁旅二十名備調並由通州各營內撥大小礮位二十尊赴津
等語。夫船有仍欲未津之說。想不過虛聲恫喝。即使果來探聽
消息。瑞麟惟當好言開導。原無須多兵耀武。惟有備無患。自應
豫為籌畫。所需兵丁礮位。著僧格林沁酌量調撥應用。至礮臺
營壘。均應次第修築。雙港地方既為扼要。即著先行辦理。其餘
各工。亦可陸續興辦。毋稍遲緩。

壬申。

諭內閣刑部員外郎段承實著賞加五品卿銜。前往上海幫同桂

良等查辦稅則事宜。

又

諭。已革直隸總督譚廷襄。防堵海口。不能實力抵禦。以致賊臺失陷。夷船駛入內河。前據僧格林沁查參。業經降旨。飭令來京聽候查辦。著派惠親王。戴鴻慈。端華。會同刑部。說明失事退避各情。按律定擬具奏。

華辨夷務始末卷之二十九